



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2244-13/24– ME/ES
Tuzla, 21.05.2025. godine

Na osnovu člana 70. stav (1) i (4) a u vezi sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije iz Zapisnika o pregledu i ocjeni ponuda broj: 03-11-1-2244-10/24- AA/AA od 19.05.2025. godine, donosi se

O D L U K A
o poništenju
u postupku ugovaranja zdravstvene zaštite – pružanje
deficitarnih usluga za 2025. godinu
LOT 1 - PET CT

Član 1.

Ovom odlukom poništava se postupak ugovaranja zdravstvene zaštite – pružanje deficitarnih usluga za 2025. godinu - LOT 1 - PET CT, u skladu sa članom 69. stav (2) tačka d) Zakona o javnim nabavkama, odnosno iz razloga što nijedna od primljenih ponuda nije prihvatljiva.

Član 2.

U skladu sa članom 70. stav (6) Zakona o javnim nabavkama, ova Odluka će biti objavljena na internet stranici Ugovornog organa istovremeno sa upućivanjem učesniku u predmetnom postupku.

Član 3.

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2025. godine („Službene novine TK“ broj: 1/25), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Saglasnosti Ministarstva zdravstva TK broj: 13/1-33-12179/25 od 25.04.2025. godine, dana 30.04.2025. godine objavljen je Javni poziv za dostavu ponuda za dodjelu ugovora za pružanje deficitarnih usluga za 2025. godinu.

Predmet nabavke je podjeljen na 7 LOT-a:

1. LOT 1 - PET CT,
2. LOT 2 - Tretman kamenca u bubregu – PCNL,
3. LOT 3 - Tretman kamenca u bubregu – ESWL,
4. LOT 4 - Endoskopski ultrazvučni pregled - linearni sa finoiglenom biopsijom (FNA),
5. LOT 5 - Whole body scintigrafija – WBS,
6. LOT 6 - Hromogranin A u serumu,
7. LOT 7 – Vanilmandelična kiselina u dnevnom urinu – VMA i Kateholamini u dnevnom urinu

Rok za dostavljanje ponuda isticao je dana 14.05.2025. godine u 13:00h.

U Zapisniku o pregledu i ocjeni ponuda broj: 03-11-1-2244-10/24- AA/AA od 19.05.2025. godine, je konstatovano da je za LOT 1 – PET CT pristigla jedna ponuda i to:

- ZSU Poliklinika "Vitalis" Mostar.

Detaljnomo evaluacijom ponude je utvrđeno da je Ponuđač dostavio slijedeće:

- U skladu sa tačkom 4. predmetnog Javnog poziva ponuđači su bili u obavezi dostaviti dokaz da je pokrenut/završen postupak akreditacije/certifikacije u skladu sa važećim propisima. Ponuđač je dostavio Ugovor o uslovima vanjskog pregleda i akreditaciji specijalističke zdravstvene ustanove Poliklinika „Vitalis“ broj: 01-373/22 od 11.10.2022. godine. Odredbe o izvršenju ovog Ugovora i realizacija vanjske ocjene važe do isteka roka od šest (6) mjeseci ili kraće ako se proces vanjske ocjene u svrhu akreditacije provede prije navedenog roka, a ostale obaveze iz dodijeljenje akreditacije traju tri (3) godine, u skladu sa Rješenjem o akreditaciji koje Poliklinika dobija nakon obavljene vanjske ocjene. U skladu sa navedenim odredbama Ugovora, nije dostavljen dokaz da je realiziran vanjski pregled u svrhu akreditacije Poliklinike, a samim time i sticanje akreditacijskog statusa Poliklinike. Ponuđač je dostavio dokaz da je proces akreditacije pokrenut, ali se konstatuje da nisu vođene aktivnosti od 2022. godine u cilju okončanja procesa.
- Uvjerjenje PU FBiH Kantonalnog poreznog ureda Mostar – Porezna ispostava Mostar kojim je utvrđeno da ponuđač na dan **25.02.2025. godine** prema poreznoj evidenciji nema obaveza i Uvjerjenje Uprave za indirektno oporezivanje BiH – Regionalni ured Mostar kojim je utvrđeno da ponuđač na dan **26.02.2025. godine** nema dospjelih, a neizmirenih obaveza po osnovu neizravnih poreza. Javnim pozivom je traženo da ponuđači dokažu da su ispunjene obaveze u vezi plaćanja direktnih i indirektnih poreza, penzijskog i invalidskog osiguranja, zdravstvenog osiguranja i osiguranja od nezaposlenosti zaključno sa **28.02.2025. godine**.

U skladu sa navedenim, Komisija je saglasna da ponuda ponuđača dostavljena za **LOT 1 nije prihvatljiva**.

Postupak se okončava u skladu sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24).

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Uzimajući u obzir sve naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema.

Dostavljeno:

1. Ponuđačima (e-mail)
2. a/a



DIREKTOR


Doc.dr.sc. Denis Husić, dipl. pravnik